

**ԱՐՁԱՆԱԳՐՈՒԹՅՈՒՆ**  
**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՌՈՂՋԱՊԱՀԱԿԱՆ ԵՎ ԱՇԽԱՏԱՆՔԻ ՏԵՍՉԱԿԱՆ**  
**ՄԱՐՄՆԻ ԿԱՌԱՎԱՐՄԱՆ ԽՈՐՀՐԴԻ ԱՐՏԱՀԵՐԹ՝ ՀԵՌԱԿԱ ՔՎԵԱՐԿՈՒԹՅԱՄԲ**  
**ԱՆՑԿԱՑՎՈՂ ՆԻՍՏԻ**

**ք. Երևան**

**18.07.2023թ.**

Հիմք ընդունելով ՀՀ առողջապահական և աշխատանքի տեսչական մարմնի (այսուհետև՝ Տեսչական մարմին) կառավարման խորհրդի (այսուհետև՝ Խորհուրդ) նախագահի 2023 թվականի հուլիսի 14-ի N 04-Լ որոշումը՝ Տեսչական մարմնի 2023 թվականի տարեկան պահպանման ծախսերի նախահաշվում փոփոխություն կատարելուն հավանություն տալու, Տեսչական մարմնի որակի ապահովման վարչության 2023 թվականի 1-ին և 2-րդ եռամսյակների հաշվետվությունները քննարկելու և 1-ին և 2-րդ եռամսյակների գործունեության կատարողականների գնահատումները հաստատելու նպատակով 2023 թվականի հուլիսի 17-ից 18-ը անցկացվել է արտահերթ նիստ՝ էլեկտրոնային քվեարկությամբ:

Քվեարկության նյութերը սահմանված ժամկետում ներկայացվել են Խորհրդի անդամների էլեկտրոնային հասցեներին:

**Օրակարգ.**

1. Հավանություն տալ ՀՀ առողջապահական և աշխատանքի տեսչական մարմնի 2023 թվականի տարեկան պահպանման ծախսերի նախահաշվում փոփոխություն կատարելուն:
2. Քննարկել ՀՀ առողջապահական և աշխատանքի տեսչական մարմնի որակի ապահովման վարչության 2023 թվականի 1-ին և 2-րդ եռամսյակների հաշվետվությունները:
3. Հաստատել ՀՀ առողջապահական և աշխատանքի տեսչական մարմնի 1-ին և 2-րդ եռամսյակների գործունեության կատարողականների գնահատումները:

**Քվեարկությանը մասնակցել են՝**

- Ն. Մկրտչյան - ՀՀ աշխատանքի և սոցիալական հարցերի նախարար (Խորհրդի նախագահ)
- Լ. Նանուշյան - ՀՀ առողջապահության նախարարի առաջին տեղակալ
- Ա. Դանիելյան - ՀՀ վարչապետի աշխատակազմի տեսչական մարմինների աշխատանքների համակարգման գրասենյակի ղեկավարի տեղակալ
- Ա. Խոջոյան - ՀՀ էկոնոմիկայի նախարարի տեղակալ
- Լ. Բայլյան - ՀՀ արդարադատության նախարարի տեղակալ
- Վ. Սիրունյան - ՀՀ ֆինանսների նախարարի տեղակալ
- Ժ. Մայիլյան - «Իրական աշխարհ, իրական մարդիկ» սոցիալական հասարակական կազմակերպության նախագահ

- S. Քեյան - «ՓՄՁ համագործակցության ասոցիացիա» հասարակական կազմակերպության աջակցության ծրագրերի ղեկավար
- Շ. Դանիելյան - Երևանի Մխիթար Հերացու անվան պետական բժշկական համալսարանի (ԵՊԲՀ) աշխատակազմի ղեկավար
- Ս. Սահակյան - Հայաստանի ամերիկյան համալսարանի Ջերալդ և Փաթրիշա առողջապահական գիտությունների ֆակուլտետի ավագ գիտաշխատող

**Վ. Սիրունյանի կողմից օրակարգի 1-ին հարցի վերաբերյալ ներկայացվեց հետևյալ դիտարկումը.**

Օրակարգային հարց 1-ին քվեարկում եմ դեմ: ՀՀ կառավարության 29.10.2022թ. N 2111-Ն որոշման հավելված 12-ի 10-րդ կետի համաձայն՝ 2023թ. ընթացքում գնման գործընթացի շրջանակներում գնման մրցակցային ձևերով կամ «Գնումների մասին» ՀՀ օրենքի 23-րդ հոդվածի 1-ին մասի 2-րդ կետով նախատեսված հիմքով պայմանավորված մեկ անձից գնման ձևով կնքված գործարքների արդյունքում առաջացած տնտեսումները ենթակա են վերադարձման պետական բյուջե: Մինչդեռ Գյումրու Մանուշյան 8 հասցեում գտնվող շենքի վերանորոգման նպատակով առաջարկվում է գնումների արդյունքում տնտեսված միջոցներն ուղղել շենքերի և կառուցների ընթացիկ նորոգմանը, ինչը հակասում է կառավարության որոշման պահանջներին:

**Տեսչական մարմնի ղեկավարի պարտականությունները կատարող Ս. Սարգսյանի կողմից Վ. Սիրունյանի դիտարկման վերաբերյալ ներկայացվեց հետևյալ պարզաբանումը.**

Օրակարգում ընդգրկված 1-ին հարցի վերաբերյալ ներկայացված տեղեկանք-հիմնավորման մեջ տեղ գտած՝ «ոչ բնակելի գույքի վարձակալության կամ լիզինգի» CPV դասակարգչում առկա տնտեսված միջոցները (...)» վերաբերում են առհասարակ չօգտագործված միջոցներին, այլ ոչ թե «Գնումների մասին» ՀՀ օրենքի 23-րդ հոդվածի 1-ին մասի 2-րդ կետի հիման վրա իրականացված գնման/գործարքի արդյունքում առաջացած տնտեսված միջոցներին: Բացի այդ, ոչ բնակելի անշարժ գույքի վարձակալության գնումներն իրականացվել են «Գնումների մասին» ՀՀ օրենքի 23-րդ հոդվածի 1-ին մասի 1-ին կետի հիման վրա: Միաժամանակ չօգտագործված միջոցները առաջացել են Տեսչական մարմնի Երևան քաղաքի տարածքային կենտրոնի համար տարածք վարձակալելու անհրաժեշտության վերացումից:

**Քվեարկությունը համարվում է կայացած:**

**Քվեարկության արդյունքում.**

- 1) Ն. Մկրտչյանը օրակարգի բոլոր հարցերին քվեարկեց կողմ,
- 2) Լ. Նանուշյանը օրակարգի բոլոր հարցերին քվեարկեց կողմ,
- 3) Ա. Դանիելյանը օրակարգի բոլոր հարցերին քվեարկեց կողմ,
- 4) Ա. Խոջոյանը օրակարգի բոլոր հարցերին քվեարկեց կողմ,
- 5) Լ. Բալյանը օրակարգի բոլոր հարցերին քվեարկեց կողմ:

- 6) Վ. Սիրունյանը օրակարգի բոլոր հարցերին քվեարկեց կողմ,
- 7) Ժ. Մայիլյանը օրակարգի բոլոր հարցերին քվեարկեց կողմ,
- 8) Տ. Քեյանը օրակարգի բոլոր հարցերին քվեարկեց կողմ,
- 9) Շ. Դանիելյանը օրակարգի բոլոր հարցերին քվեարկեց կողմ,
- 10) Ս. Սահակյանը օրակարգի բոլոր հարցերին քվեարկեց կողմ:

**Քվեարկության արդյունքը՝ օրակարգի բոլոր հարցերին 10 կողմ, 0 դեմ:**

**Սույն արձանագրությանը ծանոթանալուց և համաձայնություն տալուց հետո  
Խորհուրդը որոշեց.**

1. Հավանություն տալ ՀՀ առողջապահական և աշխատանքի տեսչական մարմնի 2023 թվականի տարեկան պահպանման ծախսերի նախահաշվում փոփոխություն կատարելուն:

2. Ընդունել ի գիտություն՝ ՀՀ առողջապահական և աշխատանքի տեսչական մարմնի որակի ապահովման վարչության 2023 թվականի 1-ին և 2-րդ եռամսյակների հաշվետվությունները:

3. Հաստատել ՀՀ առողջապահական և աշխատանքի տեսչական մարմնի 2023 թվականի 1-ին և 2-րդ եռամսյակների գործունեության կատարողականների գնահատումները:

4. ՀՀ առողջապահական և աշխատանքի տեսչական մարմնի ղեկավարի պարտականությունները կատարող Ս. Սարգսյանին.

1) միջոցներ ձեռնարկել ՀՀ առողջապահական և աշխատանքի տեսչական մարմնի որակի ապահովման վարչության 2023 թվականի 1-ին և 2-րդ եռամսյակների հաշվետվություններում նշված թերությունների և բացթողումների վերացման ուղղությամբ.

2) ապահովել ՀՀ առողջապահական և աշխատանքի տեսչական մարմնի որակի ապահովման վարչության 2023 թվականի 1-ին և 2-րդ եռամսյակների հաշվետվություններով ներկայացված առաջարկությունների կատարումը:

**ԽՈՐՀՐԴԻ ՆԱԽԱԳԱՀ՝**



**Ն. ՄԿՐՏՉՅԱՆ**

**ԽՈՐՀՐԴԻ ՔԱՐՏՈՒՂԱՐ՝**



**Գ. ՀՈՎԿԱՆՆԻՍՅԱՆ**